


# **AWIG AWIG**

## **DESA PAKRAMAN TENKULAK TENGAH**



**PERBEKEL KEMENUH  
KECAMATAN SUKAWATI  
KABUPATEN GIANYAR**

**2004**

## PIDAGING

### MAKA BANTANG AWIG AWIG DESA PAKRAMAN

#### TENGGULAK TENGAH

#### MURDHA CITTA

PRATHAMA SARGAH	: ARAN LAN WAWIDANGAN DESA	
DWITYA SARGAH	: PATITIS LAN PAMIKUKUH	
TRITYA SARGAH	: SUKERTA TATA PAKRAMAN	
	↳ Palet 1 Indik Krama .....	3
	↳ Palet 2 Indik Prajuru Lan Dulu Desa .....	7
	↳ Palet 3 Indik Kulukul .....	9
	↳ Palet 4 Indik Paruman .....	10
	↳ Palet 5 Indik Padruwen Desa .....	12
	Palet 6 Sukerta Tata Pamitegep .....	14
	Kaping 1 Karang Tegal lan Carik .....	14
	Kaping 2 Pepayonan .....	15
	Kaping 3 Wewangunan .....	16
	Kaping 4 Wewalungan .....	17
	Kaping 5 Bhaya .....	18
	Kaling 6 Panyanggran Banjar .....	19
CATHURTAS SARGAH	: SUKERTA TATA AGAMA	
	Palet 1 Indik Yadnya .....	20
	Palet 2 Indik Resi Yadnya .....	25
	Palet 3 Indik Pitra Yadnya .....	26
	Palet 4 Indik Manusa Yadnya .....	30
	Palet 5 Indik Bhuta Yadnya .....	32
PANCHAMA SARGAH	: SUKERTA TATA PAWONGAN	
	↳ Palet 1 Indik Pawiwahan .....	34
	Palet 2 Indik Nyapian .....	36
	Palet 3 Indik Sentana .....	38

	Palet 4 Indik Warisan .....	41
SAT SARGAH	: WICARA LAN PAMIDANDA	
	Palet 1 Indik wicara .....	44
	Palet 2 Indik Pamidanda .....	45
SAPTAMA SARGAH	: NGUWAH NGUWUHIN AWIG AWIG	
ASTHAMA SARGAH	: SAMAPTA	

# MURDHACITTA AUM, OM

**Om Swastyastu, Om Awighnamastu Nama Sidham,**

Melarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuana Agung lan Bhuana Alit. Manut dresta Desane wantah pawakan pasayuban Krama Desa rawuhing kulawarga pawongannya. Desane kamanggehang Bhuana Agung, pawongannya, sowang-sowang pinaka Bhuana Alit.

Satonin Bhuana Agung Desane wantah pawakan Bhawa maurip, jangkep saha Tri Hitha Karananya luwire :

Ha. Parhyangan sahanan kahyangan, penyiwian desa genah ngarcana Ida Hyang Parama Wisesa, maka jiwana desane.

Na. Pawongan, Krama saha warga desa maka sami pawakan bayu Pramana (Tri Kaya) mawinan desane sida molah maprawerti.

Ca. Palemahan, tanah kakuwuban desa, sinanggeh stula sariraning desane.

Adung patemon bhuana kalih, larapan santana jagadhuta, sinaggeh murdhaning prayojana Pangriptaning Awig Awig Desa Pakaraman Tengkulak Tengah.

Pamutus sabda inucap pinaka sepat siku-siku pamatut, wastu prasida prayojanan mami kabeh prasama anghidep muwah anagehaken kadi lingning Awig Awig iki.

*Jawa K.*  
**PRATHAMA SARGAH**  
**ARAN LAN WAWIDANGAN DESA**

**Pawos 1**

- 1) Desa Pakraman Puniki mawasta Desa Pakraman Tengkulak Tengah.
- 2) Jebar Kakuwub wawidangannya mawates nyatur :
  - Ha. Ring sisih wetan Tukad Petanu;
  - Na. Ring sisih kidul Desa Pakraman Tengkulak Kelod;
  - Ca. Ring sisih kulon Desa Pakraman Mas;
  - Ra. Ring sisih lor Desa Pakraman Tengkulak Kaja.

- 3) *Wangun antuk karang*  
Desa Pakraman Puniki kawangun antuk karang ayahan Desa lan karang  
gunakaya dados tunggil bebanjaran.

*Jawa K.*  
**DWITYA SARGAH**  
**PATITIS LAN PAMIKUKUH**

**Pawos 2**

- Desa Pakraman Tengkulak Tengah ngamanggehang pamikukuh minakadi :
- Ha. Pancasila.
  - Na. Undang-Undang Dasar 1945.
  - Ca. Paswara sang mawangrat nganinin indik Desa Pakraman.
  - Ra. Tri Hita Karana Manut Sada Cara Agama Hindu.

**Pawos 3**

- Luwir Patitis Desa Pakraman Tengkulak Tengah :
- Ha. Mikukuhin lan ngarajegang Saghyang Agama Hindu;

Na. Nginggilang tata prawertine maagama Hindu;

Ca. Ngarajegang kasukertan Desa saha pawongannya sakala lawan niskala.

*Sarga ke 3*  
**TRITYA SARGAH**  
**SUKERTA TATA PAKRAMAN**

**Palet I**

**Indik Krama**

**Pawos 4**

- Indik Krama*
- 1). Sane kabawos Krama Desa inggih punika kulawarga sane maagama Hindu saha ngamong karang ayahan Desa, utawi jenek mapaumahan ring sawidangan Desa Pakraman Tengkulak Tengah.
  - 2). Sajaba punika sinaggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
  - 3). Indik tamiyu manut pararem.

**Pawos 5**

Krama Desa wenten 4 (petang) pawos luwire :

Ha. Krama ngarep, kulawarga sane ngamong karang, utawi manut pararem;

Na. Krama pangempian/pangele, kulawarga sane nenten ngamong karang nanging sampun mawiwaha;

Ca. Krama Balu, krama sane katinggal seda olih lanang utawi istrimnyane utawi sangkaning nyapihan, krama balu inucap kabinayang dados :

f. Balu makrambian, inggih punika balu sane madue sentana dereng marabian

utawi dereng antes ngayah.

2. Balu ngalintik, inggih punika balu sane tanpa sentana;
- Ra. Krama tapukan, kulawarga manut aksara Ha utawi Na ring ajeng sakewanten during antes ngayah utawi selami kanton masekolah malarapan ilikita pastika saking sekolahnya utawi manut pararem.

#### Pawos 6

Ngawit dados Krama Desa :

- Ha. Sangkaning ngamong karang tur jenek utawi manut pararem;
- Na. Mawiwit pawiwahan.

#### Pawos 7

Panamaya tedun makrama Desa :

- Ha. Ngantos asasih mawiwit saking pawiwahan (nemonin tumpek) saha majalaran antuk paigum sederengnya arep ring krama sane ngamong karang ayahan Desa.
- Na. Jenek mapaumahan, manut pararem.

#### Pawos 8

Sahanan Krama Desa keni tetegenan utawi ayah-ayahan luwire :

- Ha. Ayah ngarep, mapiteges urunan miwah ayahan mamungkul;
- Na. Ayah pangempian, mapiteges urunan miwah ayahan manut pararem;
- (Ca) Ayah Balu, Ayah miwah urunannya manut kahanan balu inucap;
- Ra. Ayah tapukan, keni urunan mamungkul, kaluputang ayah-ayahan ngantos mayusa 17 warsa, utawi sampun mawiwaha. Yening kanton masekolah taler kaluputang ayah-ayahannya melarapan ilikita pastika saking sekolahnya;
- Ka. Pradé rikalaning ngayah wenten sinalih tunggil krama matilar tanpa sadok sedereng puput karya, wenang krama inucap keni pamidanda pararem tanjek laler kawastanin.

**Pawos 9**

Swadarman Krama, sewosan ring tategenan, luwire :

- Ha. Tinut saturut sedaging Awig Awig, Pararem lan Paswaran Desa,  
 Na. Tan maren ngutsahayang mangda Desane mrasidhayang nyujur menut paritis;  
 Ca. Tinut saturut ring Guru Wisesa.

**Pawos 10**

*yang asu caraka*  
 Swadarman Tamiyu, luwire :

- Ha. Tinut saturut ring yasa kerti Desane;  
 Na. Tan piwal ring sadaging Awig Awig, Pararem lan Paswaran Desa;  
 Ca. Nyadokang raga ring Prajuru arahina sasampun jumenek malarapan antuk ilikita *E Sangin*  
 pastika saking desane utawi sang ngawawenang;  
 Ra. Yan tan tinut pacang kairid (tan kadadosang jumenek ring Desa).

**Pawos 11**

*Ha*  
 Piilih-Olihan Krama :

- Ha. Polih pasayuban sakala niskala tur kabawosin saha katiwakin pamutus sahanan *K. P. H. H.*  
 wicaranya;  
 Na. Nyarengin paruman tur wenang sareng mastikayang pamutus;  
 Ca. Kadadosang madeg Prajuru, manut pararem.

**Pawos 12**

Krama Desa Pakraman kadadosang :

- Ha. Mapuankid utawi tan tedun :
- 1). Rikala mapawangun ngerabin, mayadnya, nandur (mamulih), matepetin rare, sungkan, kaluwasan, lan siyosan punika manut pararem;
  - 2). Kengin tempo wantah apisan, sajawaning wenten wak-wakan sakeng Prajuru

Desa: *Jang de kraman*

- Na. Nyade, mapiteges ngemademang ayah risampun pianaknyane paling unkur ngemargiang pawiwahan;
- Ca. Nutug Ayah antuk Artha brana seantukang kapialang utawi magenah ring dure desa, utawi ngentos ayah-ayahan antuk artha brana manut pararem;
- Ra. Yening wenten silih sinunggil ngamaduang ring desa pakraman, pianak istri sane pinih unkur wenang mebanjar dalem;

*K. Punggi  
Kerajaban*

### Pawos 13

Wusan dados Krama Desa, Luwire:

Ha. Sangkaning : *Jang de kraman*

- 1). Pinunas ngaraga, manawi kesah kadura Desa utawi ngalangkungin segara;
- 2). Kanorayang, duwaning sampun tan prasida ngesehin solah maprawerti stata nguwug pamargin Awig Awig.
- 3). Wusan makrama Desa mapiteges taler wusan makrama Banjar utawi wusan makrama Banjar mapiteges wusan makrama Desa, mangda sampunan kasinanggeh empak ngalanting;


Na. Sang Wusan makrama :

- 1). Patut ngaturang ayahan ka Desa, Prade karang punika karang Desa;
- 2). Tan polih pah-pahan saking padruwen Desa sajawaning pah-pahan padruwen ring tempek manut pararem;
- 3). Tan polih pasayuban sajeroning ala ayu;
- 4). Sang wusan makrama Desa/Banjar mawali malih patut nawur saurah arih tategenan krama manut pararem.

Ca. Sang wusan sangkaning kanorayang, prade mawali malih patut :

- 1). Muntasang saluwir pamidanda utawi tategenan sane ngaranayang kanorayang ;
- 2). Nunas geng pangampura maduluran panyangaskara panyapsap kaiwangan duwaning nguwak pasubaya pecak.

2



**Palet 2**

**Indik**

**Prajuru lan Dulun Desa (Panglingsir)**

**Pawos 14**

- (1). Desa Pakraman Tengkulak Tengah kaenter olih Bendesa Pakraman.
- (2). Banjar/Tempekan kaenter olih Klian Banjar/Tempekan.
- (3). Bendesa lan Klian Banjar patut :
  - Ha. Mawiwit sakeng krama wed/ngarep kajangkepin antuk :
    - 1). Uning ring aksara latin utawi Bali;
    - 2). Uning tata titining mawa Desa;
    - 3). Uning ring pariindik Agama lan Adat;
    - 4). Lascarya ngayah tur madruwe parilaksana sane rahayu.

*Panglingsir*

Na. Kaadegang malarapan antuk kacatri olih parumannya sowang-sowang nyabran 5 (limang) warsa, sajawaning wenten pariindik tiyos, tur dados kacatri malih;

Ca. Maduluran Dewa saksi ring Ring Pura Bale agung.

**Pawos 15**

- (1). Bendesa Pakraman kasanggra olih :
  - Ha. Patajuh utawi Pangliman pinaka wakilnya;
  - Na. Panyarikan Pinaka Juru Surat;
  - Ca. Patengen utawi juru raksa pinaka pangamong druwen Desa;
  - Ra. Kasinoman.
- (2). Sajeroning ngenterang kasukertan niskala, Bendesa patut mingsinggihang Pamangku Kabhayan Desa utawi Sang Rumaga Sulinggih.

- (3). Kasinoman akehnyane manut kawigunan saha magilir nyabran ngasasih.

**Pawos 16**

*yang dibicarakan*

- (1). Swadharmaning Bendesa Pakraman luwire :

- Ha. Ngenterang pamargin sedaging Awig Awig lan Pararem Desa;
- Na. Nuntun tur ngenterang Krama rawuhing warga Desa ngupadi manut patitis;
- Ca. Mawosin kalih niwakang pamutus arep ring wicara warga desane;
- Ra. Maka Duta Desa matemuang bawos ring sapa sira ugi.

- (2). Prade Prajuru iwang palaksana, keni pamidanda nikel kaiwangan sowang-sowang krama tur dados kanorayang manut pararem.

**Pawos 17**

*yang dibicarakan*

- Patias utawi olih-olihan Prajuru Desa, luwire :

- Ha. Luput rerampe lan pepeson;
- Na. Polih atanding;
- Ca. Upon pecatu/pelaba carik/tegal;
- Ra. Patias sewosan manut pararem.

**Pawos 18**

- (1) Pajuru / Dulu kagentosin riantukan :

- Ha. Seda;
- Na. Kanorayang duwaning iwang pamargi utawi nilar sesana;
- Ca. Wit sakeng pakayun utawi pinunas ngaraga.

*yang dibicarakan*

- (2) Nganorayang utawi ngentosin Prajuru Desa/Banjar patut sajeroning

paruman sowang-sowang tur kaingkupin olih Krama Desa.

3

**Palet 3**

**Indik Kukul**

**Pawos 19**

- (1) Kukul ring Desa Luwire :
- Ha. Kukul ring Kahyangan ;
  - Na. Kukul Desa ;
  - Ca. Kukul Banjar/Tempekan ;
  - Ra. Kukul Sekaa-sekaa.
- (2) Tabuh tetepakan kukul ring Kahyangan Desa luwire :
- Ha. Nguntit silih asih tengeran wenten yadnya/upacara ;
  - Na. Tulud lamban tengeran tedun ngayah ;
  - Ca. Bulus tengeran wenten baya.
- (3) Tabuh tatepakan kukul ring soang-soang babanjaran :
- Ha. Bulus :
    - 1) Tigang tulud bulus, tengeran kageni baya;
    - 2) Kalih tulud bulus, tengeran kepandungan (artha bhaya);
    - 3) A tulud bulus, tengeran jiwa baya;
    - 4) Tigang klentungan bulus panjang, tengeran linduh, lan pawana baya.
  - Na. Lambat :
    - 1) Kalih tulud lambat, tengeran tedun ngayah utawi wenten pekaryan;
    - 2) Nguntit silih asih, tengeran surya grha, bulan kepangan;
    - 3) A tulud lamban, tengeran kelayu sekaran.

Ca. Klentungan ;

- 1) Petang klentungan lamban, tengeran rare embas;
- 2) Roras klentungan lamban ngombak, tengeran kelayu sekaran;
- 3) Tigang klentungan biasa, tengeran pawiwahan;
- 4) Tigang klentungan ngempang panjang, tengeran ngawangdeang karya.

**Pawos 20**

- (1) Kulkul Desa/Banjar tan wenang katepak yening tan sangkaning pituduh Prajuru Desa/Banjar sajawaning tengeran baya.
- (2) Sang nepak tan sangkaning pituduh patut digelis atur supeksa ring Prajuru maka buatan panepake, yan tan sapunika wenang sang mamurug kadanda manut pararem.
- (3) Kulkul sekaa-sekaa semaliha kulkul pondokan-pondokan tan kalugra nyawerin (matchin) sukat utawi tengeran kulkul Desa/Bajar sajawaning tengeran baya, prade mamurug taler kadanda manut pararem.

**Palet 4**

**Indik Paruman**

**Pawos 21**

- (1) Paruman utawi sangkepan ring Desa Pakraman Tengkulak Tengah wenten :

Ha. Paruman Desa/Banjar Kawentenang :

- 1) Nyabran ngasasih maka cihna tanpa arah-arah, duwaning sampun tetep panemaya manut pararem bebanjaran sowang-sowang nemonin

rahina Tumpek;

2) Napkala (padgata kala) maka jalaran arah-arahan manut tatujon.

Na. Sangkepan Prajuru kawentenang manut kawigunan;

Ca. Paruman sekaa-sekaa manut pabuat.

(2) Paruman Desa/Banjar madudonan sakadi ring sor :

Ha. Prasida lumaksana risampun katedunin olih sang patut ngamiletin kamanggala antuk tengeran swaran kulkul, saha mabusana adat madya, tan kalugra makta gegawan sakaluwire, tan amaren ngarcana ring Ida Bagawan Panyarikan maka sarana Widhi Widana Cane;

Na. Maka sarana janggi pangawit kalaksanayang panyakcak sep-sepan saha riwusan nyacak, ngetang dadosan gung alit manut pararem;

*Yang harus ditinjau...*

Ca. Tan kalugra ngawetuang suara gora utawi biota, yan wenten asapunika keni pamidanda beya pecamil kadi dandaning nguman-nguman ring sabha;

Ra. Pamutus babawos beriuk sepanggul (ingkup) punika kamanggehang.

(3) Prade daging parumane tan kaingkupin, mangda prajuru ngilikang bebawos tur pamutusnia prasida kararemin olih Krama, yan jantos ping tiga usaha ngilikang bebawosan taler tan sida, wenang Prajuru nunasang bawos ring sang ngawawenang.

### Pawos 22

(1) Sajeroning paruman Desa, Bendesa patut nyobiahang pamargin ngenterang Desa, pamekas nganinin indik :

Ha. Munjuk lungsur ring pakraman saha ayah-ayah lan sulur artha  
Brana druwen Desa;

Na. Rarincikan Prajuru nganinin usaha Desa kapungkur.

- (2) Pamutus paruman Desa kasinanggeh pararem maka pamitegep daging  
Awig-Awig.

### **Pawos 23**

- (1) Sangkepan Prajuru/Dulu Desa kawenangang wantah ngarincikang pangrencana usaha  
Desa Kapungkur;
- (2) Sangkepan Prajuru Desa tan kawenang ngamedalang tategenan ring krama desa  
sadereng kaingkupin olih Krama Desa ring Paruman Desa.
- (3) Pamutus sangkepan Prajuru Desa sane ngawetuang paswara, maka pidaging  
pituduh sakeng sang ngawawenang, utawi ngonekang pecak pararem krama  
Desa.

### **Palet 5**

#### **Indik Padruwen Desa**

### **Pawos 24**

Padruwean Desa Pakraman Tengkulak Tengah sekadi ring sor ;

Ha. Kahyangan Desa Luwire :

- (1) Kahyangan Tiga makadi Pura Desa/Bale Agung, Pura Puseh, Pura Dalem  
lan Prajapati;
- (2) Pura Melanting;

- (3) Pura Beji;
- (4) Pura Dugul Enggong/Subak;
- (5) Pura Dugul Tegeh/Subak.

Na. Wantilan Desa.

Ca. Tanah Tegalan manut ilikita .

Ra. Karang ayahan Desa, munjuk lungsur sakeng ; Tigang benang karang ring ajeng;

Ka. Setra ; asiki.

Da. Pelaba Pura marupa Carik Tegal manut ilikita;

Ta. Lelanguan makadi tetabuhan lan ilen-ilen padruwen Desa/Bebanjaran luwire :

- 1). Gong;
- 2). Ilen-ilen Pura merupa rejang, pendet;
- 3). Muwah padruwean tiyosan.

Sa. Nyasa, sesanti;

#### Pawos 25

Pilih-Olohan Desa Pakraman Tengkulak Tengah, luwire :

Ha. Pilih-olihan saking Palaba Pura;

Na. Urunan Krama Desa Pakraman;

Ca. Paica saking Guru Wisesa;

Ra. Paica-Paica sewosan sané patut;

Ka. Usaha Desa Pakraman.

#### Pawos 26

*gong banyu dicitiraha*

(1). Prajuru Desa wenang ngetangang pamupon laba Pura lan sapanunggalan druwen Desa;

(2). Pikilih lan pamuponnya kaangge prabeya piodalan saha wewangunan ring Pura

miwah anggen kabuatan Desa Pakraman;

- (3). Nyabran pasangkepan/paruman Desa, Prajuru pangemong padruwean Desa patut nguningayang pariindik munjuk lungsuring padruwean Desane ring Krama Desa;
- (4). Sakaluwiring druwen Desa patut wenten ililitannya;
- (5). Tan kalugra ngadol utawi ngesahang padruwean Desa yan tan kasungkemin olih Krama Desa ring paruman Desa.

#### **Palet 6**

**Sukerta Tata Pamitegep**

**Kaping 1**

**Karang, Tegal lan Carik**

#### **Pawos 27**

- (1). Krama Desa Pangamong karang Desa utawi karang gunakaya patut ngawatesin karang inucap antuk tembok utawi pagehan mangdene pakantenannya asri.
- (2). Wates sisi kaler miwah kangin patut kakaryanin olih sang ngamong karang ayahan inucap, sane mawasta gagaleng kaluan.
- (3). Prade karasayang pagehan/turus inucap ngalikandin, yan pada arsa payandinge, kengin wates nganggen pinget kewanen, kasaksin olih Prajuru/Dulu Desa utawi prahcina pal saking sang ngawawenang.
- (4). Prade wenten karang kabebeng/embet mangda kautsahayang wenten pamarginnya manut paigum lan pararem.

## (5). Tan Kengin :

- Ha. Ngentungan wangken wewalungan kapakarangan/tegal anak liyan, kalih kamagine utawi katukade;
- Na. Ngembahang toya wit saking badan wewalungan, kakus, pasiraman, pawaregan, kategal, carik, kamagine utawi katukade , miwah sane siyosan sane ngawinang ambu kawon;
- Ca. Prade wenten sakadi ring ajeng keni pamidanda manut pararem.

**Pawos 28**

## (1). Sinalih tunggil krama Desa utawi Banjar tan kalugra :

- Ha. Ngalah-alah margi, tegal ayahan desa, karang desa lan sapanunggalannya;
- Na. Ngalah-alah tanah linggih kahyangan, tegak setra lan sekancan linggih sane kasinaggeh suci.

## (2). Prade wenten sakadi ring ajeng sang ngalalah wenang ngawaliang tanah inucap saha keni pamidanda manut pararem kadulurin upakara parade ngalalah tanah suci.

**Kaping 2****P e p a y o n****Pawos 29**

- (1). Ngawit nandur pepayonan tanem tuwuh patut adepa agung ( a-meter) ngajeroang sakeng wates. Prade jantos ngaliwat wates wenang kasepat gantungin.
- (2). Yening wenten tetanduran ngungkulin kapisage, samaliha mawastu mayanin, patut kawara antuk paiguman, ping ajeng mangda prasida sang nruwenang wit ngarebah utawi notor.

- (3). Prade sampun kawara taler tan wenten usaha sang nruwenang wit, sang rumase katetehan/kajerihan wenang masadok ring Prajuru, tur risampun kaparitas kalugra mademang wit inucap, sakewanten patin pepayonan patut katawur manut pangeloika sane nepasin.
- (4). Sang keni pamidanda panyangaskara saha prabeya manut pararem arep ring wewangunan sang karubuhin luwire :
- Ha. Sang naruwenang wit sane sinanggeh mayanin prade pungkak ngarubuhin wewangunan Krama tiyos;
- Na. Sang notor, munggul utawi ngarebah taru tur ngarubuhin padruwean krama tiyos.
- (5). Prade wenten wit mentik sajeronin wates patut kapademang, mangda tan ngranayang wicara. Prade sampun ageng kapademang, wit punika pinara tiga :
- Ha. Apah tiga katur ring sang nruwenang wit;
- Na. Apah Tiga katur ring sang panyandingnya;
- Ca. Apah Tiga katur ring Desa Pakraman.
- (6). Krama Desa patut ngamanggehang kawerdian tanem tuwuh sane ngawinang desane asri.



### Kaping 3

## Wewangunan

### Pawos 30

- (1). Nyabran ngawangun patut ;
- Ha. Masadok ring Prajuru, ping ajeng wewangunan nganinin wates;
- Na. Ngangge sukat Asta Bumi miwah gagulak Asta Kosala-kosali sanistane manut ring patitis niskala;
- Ca. Tan nyayubin kapisaga.

- (2). Prade wewangunan jantos nyayubin bilih-bilih temboke magenah ring telengin wates, risampun kawara tur kasadokang ring Prajuru, wenang kadanda manut pararem saha temboke inucap kagubar, sanistane mangda kakaryanang abangan.

#### **Kaping 4** **Wewalungan**

#### **Pawos 31**

- (1). Warga desa sane mamiara wewalungan, patut sayaga nitenin minakadi negul utawi ngelogor mangda tan ngarusak karang utawi paabianan Krama siyos, bilih-bilih jantos ngeranjing ngaletihin Kahyangan.
- (2). Prade wenten wewalungan malumbar utawi ngeleb ngarusak pakarangan utawi paabianan krama siyos, risampun kawara, dados kataban tur kadanda wit sane karusak saha nawur papiaran tatabanan manut pangaloika Prajuru Desa.
- (3). Prade jantos ngaletihin linggih suci, minakadi pamrajan, risampun kaparitas olih Prajuru, wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin kahyangan desa utawi Pura Pemaksan, wenang nyarunin antuk panca sata makereb itik belang kalung.
- (4). Krama desa patut nyanggra wewalungan miwah sarwa prani, tan kapatutang ngamademang paksi, nuba ulam miwah sane siyosan. Prade wenten melaksana sakadi punika keni pamidanda manut pararem tur kaaturang ring sang ngawawenang.

**Kaping 5****B h a y a****Pawos 32**

- (1). Parindik bhaya luwire : Jiwa bhaya, Artha Bhaya (kapandangan), Dura cara ring Agama
- (2). Sang manggihin kahanan jiwa bhaya patut masadok ring prajuru saha nepak kulkul bulus mapitulung manut pawos 19 (3).
- (3). Prade ring desa kahan jiwa bhaya, patut Desane ngaturang Bhuta yadnya tur sang mayanin katur ring sang ngawawenang.
- (4). Prade wenten anak mamisuh utawi nguman-uman anak tiyos kakenanin pamidanda beya pacamil maduluran tebasan prayascita.
- (5). Yaning wenten anak majengilan ring bale banjar, ring pura, utawi ring genah sane kasinanggeh suci, keni pamidanda manut pararem, maduluran panyangaskara, prade sang majengilan kantos ngamedalang rah.

**Pawos 33**

- (1). Sang manggihin kahanan artha bhaya (Kamalingan), ngulkul mapitulung manut ring pawos 19 (3) aksara Ha utawi sang kamalingan atur supeksa ting Prajuru desa sane pacang nimbangin utawi nandanin manut pararem, saha maweweh panyangaskara prade wenten anak ngamaling barang sinaggeh suci.
- (2). Pratingkahe mapailon ring dusta kabawos Saruron. Prade wenten anak manggihin maling tan nyadokang ring Prajuru, jantos anak tiyos nyaduang , patut kadanda kadi

dandanin maling, sakuweh pangangan barang sane kapaling manut pararem banjar tur prade jantos ping tiga malaksana asapunika wenang kasukserang ring sang ngawawenang.

- (3). Prade wenten anak ngarereh reramon, minakadi daun kelapa, ron miwah sane siyosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4). Yening wenten anak ngaranjing kapakubon wiadin pakarangan anak tiyos rikala suwung, mawastu sang madruwe karang kaicalan, wenang anak inucap katuwekang antuk madewa saksi ring Pura Bale Agung.
- (5). Mangda tan katuwekang manut sakadi ring ajeng, asing-asing ngaranjing kapakubon anak tiyos patut :
  - Ha. Matengeran suwara (makaukan);
  - Na. Nyantos sang nruwenang karang rawuh, utawi masadok ring pangapitnyane sane pinih tampek, maka buatan pangranjinge.
  - Ca. Pamedal karangnya kadagingin sawen, makacihna ngamargiang pangarah rikala suwung.

### Kaping 6

#### Panyanggran Banjar

#### Pawos 34

Krama Desa ritakala karya suka-duka, patut kasangra olih banjar, luwire :

- Ha. Prade ngawangun Pitra Yadnya utawi Manusa Yadnya manut pinunas sang mayadnya ;
- Na. Pangrombo utawi karya gotong royong krama jantos ping tiga, langkungan ring punika patut katurang pangu;.
- Ca. Pangu ritakala pitra Yadnya manut abot dangan yadnya, prade sakeng semengan ngantos wengi katurang pangu ping kalih;

Ra. Pangrombo tiyosan manut pararem.

6

**CATHURTAS SARGAH  
SUKERTA TATA AGAMA**

**Palet 1**

**Indik Dewa Yadnya**

**Pawos 35**

- (1). Kahyangan panyiwian ring wawidangan Desa Pakraman Tengkulak Tengah luwire:
  - Ha. Kahyangan Tiga : Pura Desa/Bale Agung, Pura Puseh, miwah Pura Dalem Agung lan Prajapati;
  - Na. Pura Melanting;
  - Ca. Pura Beji;
  - Ra. Pura Dugul Enggong/Subak;
  - Ka. Pura Dugul Tegeh/Subak;
  
- (2). Rahina piodalan sowang-sowang Kahyangan inucap, kadi ring sor :
  - Ha. Ring Kahyangan Tiga luwire :
    - 1). Pura Desa/Bale Agung ritakala Purnama Kadasa;
    - 2). Pura Puseh ritakala Purnama Kadasa;
    - 3). Pura Dalem ritakala Tilem Kadasa;
  - Na. Pura Prajapati ritakala Tilem Kadasa;
  - Ca. Pura Melanting ritakala Tumpek wariga;
  - Ra. Pura Beji ritakala Purnama Kadasa;
  - Ka. Pura Dugul nganutin masa pantun kuning.
  
- (3). Pangaci ring pura inucap manut kecap sastra Agama, saha kalaksanayang nista, madia, utama, manut kawentenan lan pararem.

- (4). Pangempon Sowang-sowang Pura manut dresta kadi ring sor :
- Ha. Pura Desa/Bale Agung, Pura Puseh kaempon olih Desa Pakraman;
  - Na. Pura Dalem Kaempon olih Desa Pakraman;
  - Ca. Pura Melanting kaempon olih Desa Pakraman;
  - Ra. Pura Beji kaempon olih Desa Pakraman;
  - Ka. Pura Prajapati kaempon olih Desa Pakraman;
  - Da. Pura Dugul kaempon olih Subak;

### Pawos 36

- (1). Ring sowang-sowang Pura inucap patut kaadegang Pamangku;
- (2). Ngadegang Pamangku manut Pararem;
- (3). Tan kawenang adegang Pamangku luwire :
- Ha. Cedangga makadi : peceng, cungh lan sapanunggil ipun ;
  - Na. Sang sapisira ugi sane tan kapatutang manut pararem;
  - Ca. Sakit Ila, Ayan, buduh wiadin Edan;
  - Ra. Sane tan madrebe kasucian urip;

- (4). Prabeya kapamangkuan :

*Yudhi Pamangku*

- Ha. Adiksa Widhi utawi ngawintenang lanang istri kamedalin saha kalaksanayang olih sang ngadegang, minakadi Krama Desa utawi pangempon Pura sowang-sowang;
- Na. Mapitra yadnya riwekas lanang wiadin istri patut kasungkemin olih Krama Desa utawi pangemong Pura sanistane brahmaprayascita, panyangaskarane manut pararem prade yadnya inucap kalaksanayang olih warga sira pamangku;
- Ca. Sinalih tunggil krama yan wenten ngipik-ipik sapari polah pamangku, yaning pamangku tan sapunika paripolah nyane kadi sane kaipik-ipik wenang jadm inucap kasisipang nyuciang pamangku, manut pararem.

(5). Pamangku patut ngamanggehang sesananing pamangku luwire :

Ha. Ambek dharma sadhu;

Na. Asewaka dharma makadang sastra utama;

Ca. Tan atayub ring tayub camara yuda;

Ra. Tan manjing ring umah wong banija karma;

Ka. Tan manjing ring umah wong drati krama;

Da. Tan wenang ajajuden;

Ta. Tan anginum asing angawe mada;

Sa. Tan pati pikul-pikulan;

Wa. Tan salah sulub;

La. Tan wenang anayub upadrawaning cor, yan mawiyawaharateka wenang adewa saksi;

Ma. Tan keneng cuntakaning len, sajawaning kulawarga tunggil natah, utawi pasiwanya manut pararem;

Ga. Tan griganing wong akweh;

(6). Prade mamurug wenang pamangku nyepuhin raga kasaksinin olih Prajuru Desa.

(7). Yan pacang ngawalat rabi wenang ngaturang rumuhun pawintenannya ring pura genah madeg pamangku nguni tembenya wawu wenang ngawalat rabi, riwus upacara wenang ngawana wasa salaminya atahun, wus punika wawu mawinter laki rabi kadi pawintenannya nguni.

### Pawos 37

Swadarmaning Pamangku luwire :

Ha. Ngenterang upacara piodalan ring Kahyangan Desa utawi ring sowang-sowang pakubon krama;

- Na. Prade silah sinunggil Pamangku kapialang utawi cuntaka kengin nguntap Pamangku Kahyangan Desa tiyosan utawi nuwur Sang Sulinggih:
- Ca. Samaliha yan sampun Pamangku ngayah ring Pura kancit wenten kulawarga seda, pamangku inucap tan keneng cuntaka sake wanten pamangku tan budal salami piodalan.

### Pawos 38

Patiyas utawi olih-olihan Pamangku, luwire :

- Ha. Panyolasan miwah sasaring ring sowang-sowang pakubon krama;
- Na. Upon palaba carik miwah tegal manut pararem;
- Ca. Luput Pakaryan, rerampe/ramon lan padagingan;
- Ra. Patiyas sewosan manut pararem.

### Pawos 39

(1). Pamangku kagentosin riantukan :

- Ha. Seda;
- Na. Pinunas ngaraga riantukan kageringan lan sapanunggalnya;
- Ca. Kawusang olih krama riantukan malaksana tan patut.

(2). Prade Pamangku kawusang sangkaning malaksana tan patut keni pamidanda manut pararem saha ngawaliang prabeya pawintenannya pecak.

### Pawos 40

Kasukertan Kahyangan kadi ring sor :

Ha. Tan kalugra ngaranjing ka Pura luwire :

- 1). Sang katiben cuntaka makadi sebel ring raga utawi kapademan;

- 2). Makta sahanan barang sinanggeh ngaletchin;
  - 3). Sato agung sajawaning rikala mapapada;
  - 4). Mabusana tan manut tata caraning ngaranjing ka Pura;
  - 5). Sadereng polih wak-wakan (pituduh) Prajuru Desa.
- Na** Pratingkah sane tan wenang ring Pura :
- 1). Masumpah utawi macoran sajawaning pituduh Prajuru Desa;
  - 2). Wak purusa/wak capala, makobetan, masesenangan, makolem dados asiki lanang istri, mabacin, mawarih, macecepin rare, majaljal/majengilan, nyangsang busana, menahin pusungan (santukan punika rikala majajahitan patut ngelug busung macingor lidinya);
  - 3). Mungguh tedun palinggih sajawaning pituduh Pamangku utawi Prajuru.
- Ca** Sang mamurug kecap ring ajeng wenang kakaninin pamidanda pamrayascita sapatutnya.

#### Pawos 41

- (1). Yan wenten Jadma karawuhan ring Pura, dados kapintonin prade rumasa kasumangsayan. Yan tan wiakti wenang jadma inucap kasisipan manut pararem ;
- (2). Prade Kahyangan kahanan durmangala utawi bhaya, wenang Pamangku utawi sane manggihin digelis nyadokang ring Prajuru mangda marumang Krama tur ngawentenang pamrayascita sapatutnya.

**Palet 2**  
**Indik Resi Yadnya**

**Pawos 42**

- (1). Sang pacang madeg Pandita utawi Pinandita, makadi balian sonteng, kubayan, dalang sakaluwiring sane jagi ngenterang yadnya patut masadok ring Prajuru Desa utawi Parisada Hindu Dharma Indonesia.
- (2). Prajuru Desa patut ngawas nitenin tur wenang ngalangin parade wenten kacihnan nyasar ring kakecap miwah drestane, tur sareng nyaksinin upacarannya saha nyobyahang ring paruman Desa tegep rawuhing wates kawenangannya ngenterang yadnya.
- (3). Krama Desa patut ngaturang ayah sapamadeg miwah ring panglepas Sang Sulinggih riwekas, katuntun olih Prajuru Desa.

**Pawos 43**

- (1). Sang Sulinggih lan Pamangku patut ngariyining muputang yadnya ring wawidangan Desa Pakraman Tengkulak Tengah, sesampune wawu muputang yadnya kajebar tiyos desa utawi kadura desa.
- (2). Krama Desa sami patut sareng ngawas nitenin katuntun olih Prajuru, mangda sahanan yadnyane sane kawentenang kaicen pamuput olih Ida Padanda/Sulinggih utawi Pinandita manut kawenangannya sowang-sowang.

**Palet 3**  
**Indik Pitra Yadnya**

**Pawos 44**

Pamargin Pitra Yandya madudonan manut sakadi ring sor :

Ha. Pangupakaran sang kalayu sekaran :

- 1). Antuk Mendem utawi ngeseng, makacihna pakingsan ring Ibu Pratiwi utawi ring Geni salami nuptupang prabiya;
- 2). Atiwa-tiwa (upakara pangabenan/palebbon)

Na. Upacara Pitra Yadnya riwusan kaabenan ngraris munggah daun bingin (ngaroras) manut dudonan Atma Wedana.

**Pawos 45**

Swadharmaning lan tategenan krama prade wenten sinalih tunggil krama kalayu sekaran :

Ha. Sang kaduhkitan patut :

- 1). Nyadokang ring Klian tur nunas tatimbangan ring kawentenannya;
- 2). Ngaturin Banjar ngarombo makarya eteh-ete sawa nganter kasetra, tur katuran panyambrahma canang sasida-sidaan.

Na. Swadharmaning Krama Banjar :

- 1). Klian Banjar maritatas pamargin sang kaduhkitan, napike sawa pacang kapendem, makingsan riyin utawi lantur kaabenang;
- 2). Prade kapendem, raris kaswarayang kulkul pamitahu manut pawos 19 (3) aksara Na olih Klian utawi wakilnya;
- 3). Panyanggra Banjar selanturnyane :

Ha. Sowang-sowang Krama Banjar nedunang patus manut pararem;

Na. Ngarombo ngaryanin eteh-ete sawa, kasarengin olih krama sane rauh

ngarombo;

Ca. Sami krama Banjar nganter kasetra jantos puput pamendemane.

Ca. Tan Kengin ngalelet langkungan ring 7 (pitung) rahina sajawaning pacang kapalebong, tan polih pagebagan manut paetangan Kelian Banjar,

Ra. Tan kalugra nginepang bangbang miwah mendem rikala :

- 1). Semut sadulur (urip dina numpuk 13) sakadi dina Sukra Pon, Saniscara Wage, Redite kliwon;
- 2). Gotongan pati (urip dina 14) sakadi Sukra Kliwon, Saniscara Umanis, Redite Paing;
- 3). Rahina Pasah ingkel Wong, Purnamaning Purnama/Tilem, Purnama, Tilem, Anggara Kasih, Bhuda Kliwon, Tumpek lan dina kekeran/Tegak piodalan ring Kahyangan Desa.

Ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kulkul tur mamargi wengi/sasiliban utawi kasetra tiyosan.

Da. Pamargin pamendeman utawi palebon mangda nganutin Sastra Agama lan Dresta.

#### Pawos 46

(i). Sane kasinanggeh kacuntaka sakadi ring sor :

- Ha. Cuntaka antuk kalayu sekaran;
- Na. Cuntaka antuk ngaraja swala;
- Ca. Cuntaka antuk ngembasang putra;
- Ra. Cuntaka antuk karuron;
- Ka. Cuntaka antuk sakit ila/buduh;
- Da. Cuntaka antuk pawiwahan;
- Ta. Cuntaka antuk gamia gamana;

- Sa. Cuntaka antuk salah timpal;
- Wa. Cuntaka antuk yaning wenten anak istri mobot nenten kaupakarayang pabiukawonan miwah pawidiwidana;
- La. Cuntaka antuk mamitra ngalang;
- Ma. Cuntaka antuk yan wenten anak istri ngamedalang putra sadurunge maupakara pabiukawonan miwah pawidiwidana;
- Ga. Cuntaka atuk Sad Atatayi;

(2). Sengker cuntaka manut kawentenannya:

- Ha. Cuntaka Kalayu sekaran, cuntaka kaanutang ring loka dresta Desa Pakraman sowang-sowang.
- Na. Cuntaka ngraja swala, 3 (tigang) rahina ngawit saking ngraja utawi salaminging ngraja swala;
- Ca. Cuntaka ngembas putra, 42 rahina (abulan pitung rahina) ngawit sakeng putrane embas, utawi ngantos sampun kaupakarayang makakambuhan lan maprayascita manut Sastra Agama, lanang istri;
- Ra. Cuntaka karuron, cuntakannya abulan pitung rahina (42 rahina) tur sampun matirta pamrayascita;
- Ka. Cuntaka sakit Ila, buduh/edan, cuntakanya manut ilikita pastika saking sang ngawawenang/sang nambanin tur sampun maprayascita raga;
- Da. Cuntaka pawiwahan, cuntakanya ngantos sesampune matirta pabiukawonan;
- Ta. Cuntaka gamia gamana, cuntakannya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Pakraman/Kahyangan ;
- Sa. Cuntaka salah timpal, kapuputang manut ring Sastra Agama Hindu, prabeya katanggung olih krama banjar;
- Wa. Cuntaka anak istri mobot nenten kawentenang upakara pabiukawonan, cuntakanya ngantos kawentenang pabiukawonan;
- La. Cuntaka mamitra ngalang, cuntakanya ngantos kawentenang pabiyukawonan sowang-sowang.
- Ma. Ngembasan putra nenten kawentenang upaka pabiukawonan miwah

pawidiwidana, cuntaka ngantos wenten sane mameras sang putra, lan sampun kawentenang upakara manut ring Sastra Agama Hindu;

Ga. Cuntaka Sad Atatayi, cuntaka ngantos sampun maprayascita raga tur nenten pisan dados ngamunggahang upakara padwijatian.

(3). Cuntaka kalayu sekaran :

Ha. Kapendem cuntakanya :

- 1). Cuntaka/sebel Banjar ngantos 3 (tigang) rahina riwus mendem/manut dresta utawi sampun pamrayascita;
- 2). Kulawargannya sajeroning pakarangan ngantos 12 rahina utawi manut dresta.

Na. Kaabenan Cuntakanya :

- 1). Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang (3) rahina.

(4). Sane katiben cuntaka luwire :

Ha. Kalayu sekaran sane kacuntaka :

- 1). Sang sane kalayu sekaran;
- 2). Kulawarganya;
- 3). Babanjaran.

Na. Ngraja swala sane kacuntaka :

-Sang sane ngraja swala.

Ca. Ngembas putra sane kacuntaka :

-Kulawarga sapakarangan ngantos ngalepas awon.

Ra. Pawiwahan sane kacuntaka:

-Sang sane ngalaksanayang pawiwahan lanang wiadin wadon.

Ka. Sakit ila utawi buduh sane kacuntaka raganya dewek.

Da. Karuron sane kacuntaka:

-Kawulawarganya lanang wiadin wadon.

Ta. Gamia gamana sane kacuntaka :

- 1). Sang sane ngalaksanayang gamia gamana;

2). Desa Pakramanya/Kahyangan keni pacaruan Resi Gana (nistayang utama).

Sa. Salah Timpal sane kacuntaka :

- 1). Sang sane malaksana salah timpal;
- 2). Kulawarganya;
- 3). Desa Pakraman/kahyangannyane.

Wa. Anak istri mobot nenten kawentenang upakara pabiukawonan sane kacuntaka :

-Sane maraga istri sane mobot.

La. Mamitra ngalang sane kacuntaka :

-Sane ngalaksanayang mamitra ngalang.

Ma. Ngembas putra nenten kawentenang upakara pabiukawonan miwah upakara

Pawidiwidana sane kacuntaka :

- 1). Sang sane ngmbasang putra;
- 2). Putra sane embas

Ga. Sad Atatayi sane kacuntaka :

-Sang malaksana Sad Atatayi.

(5). Tan keneng cuntaka luwire :

- 1). Sang Sulinggih lan Pamangku Kahyangan Tiga;
- 2). Rikala Piodalan, Risampun ngalang sasih/ngalang tengah.

#### **Pawos 47**

(1). Atiwa-tiwa (pangabenan) kalaksanayang antuk :

Ha. Sawa Prateka, pangabenan mawatang sawa;

Na. Sawa Rsi, pangabenan mawatang antuk sawa kresyan;

Ca. Suwasta, pangabenan mawatang sawa sane tan kakeniang kagentos antuk lalang utawi toya.

(2). Panamayan pangabenan wenten kalih pawos :

Ha. Ngaben dadakan/bah bangun manut pararem;

Na. Ngaben ngamasa, manut pararem. ↵

- (3). Dudonan pangabenan ngawit saking ngagah utawi seda, ngeseng ngantos pangiriman utawi nganyut.

#### Pawos 48

- (1). Papatusan pangabenan wenten kalih pawos :

Ha. Ngaben ngamasa luwire : Beras, ayam, kelapa, gesing, klangsah miwah sane siyosan manut pararem;

Na. Ngaben dadakan pateh sakadi patus seda kapendem.

- (2). Pangingu ring krama Banjar ngawit ngayah manut abot dangan kawentenan karya.

#### Palet 4

#### Indik Manusa Yadnya

#### Pawos 49

- (1). Manusa Yadnya inggih punika upacara upakara dharmaning kahuripan manusa, ngawit saking patemoning karpa bang kalawan kam petak sajeroning garba jantos kalayu sekaran riwekas.

- (2). Upacara ring ajeng madudonan sakadi ring sor :

Ha. Magedong-gedongan duk pangerempinian ibiang;

Na. Duk sang kamareka medal;

Ca. Kepus odel;

Ra. Roras rahina;

- Ka. Tutug kambuh 42 rahina;
- Da. Nigang sasihin ( 3 sasih);
- Ta. Paweton, Otonan utawi odalan (6 sasih);
- Sa. Tutug kelih (ngraja swala yening wadon, ngembakin lanange);
- Wa. Matatah utawi mapandes;
- La. Mawiwaha;
- Ma. Mawinten;

- (3). Upakara, upacara inucap nista, madya, utama manut sastra Agama Hindu lan Dresta.

#### Palet 5

#### Indik Bhuta Yadnya

#### Pawos 50

- (1). Bhuta Yadnya inggih punika upacara upakara biyakala ring pratiwi lan Kahyangan, sarwa prani, upacara upakara ring babhutan miwah piranti siyosan;
- (2). Upacara pabiyakala ring sarwa prani, sarwa tumuwuh muang piranti luwire :
- Ha. Ring sarwa lelandep rikala Saniscara Kliwoan Wara Landep.
  - Na. Ring sarwa tumuwuh lan pirantinya rikala Saniscara Kliwon Wara Wariga;
  - Ca. Ring sarwa ingon-ingon/wewalungan rikala Saniscara Kliwon Wara Uye;
  - Ra. Ring sarwa ringgit , ukir-ukiran rikala Saniscara Kliwon Wara Wayang;
  - Ka. Ring sarwa syandana/wahana rikala Saniscara Kliwon Wara Kuningan;
  - Da. Ring sarwa lelangan rikala Saniscara Kliwon Wara Krulut;
  - Ta. Upaka pabiyakala manut Widhi widana kabawos pabiyakala.
- (3). Upakara pabiyakala ring Pratiwi, Kahyangan lan babutan kawastanin macaru.

- (4). Pacaruan inucap ring ajeng, nista, madya, utama manut wiguna kadi ring sor :
- Ha. Eka sata'
  - Na. Panca sata;
  - Ca. Panca Sanak;
  - Ra. Resi Gana;
  - Ka. Tawur Agung;
  - Da. Panca kelud.
- (5). Sajawaning makadi inucap ring ajeng kawentenang upacara :
- Ha. Majot-jotan utawi yadnya sesa nyabran wusan ngarateng;
  - Na. Masapuh-sapuh rikala pacang wali ring Pura;
  - Ca. Pacaruan pasasihan kalaksanayang nangen Tilem ngawit sasih ka 5, 6, 7, 8, 9, sajabanin wenten durbiksan jagat.

#### Pawos 51

- (1). Nangen ngawarsa rikalaning Tilem Kasanga kawentenang Tawur Kasanga, kalanturang antuk pangarupukan maka cihna pacang mapag rahina Panyepian benjangne;
- (2). Brata Panyepian sane kamargiang olih Krama Desa Luwire:
- Ha. Amati Geni : tan kengin maapi-api;
  - Na. Amati karya : tan kengin nyambut karya;
  - Ca. Amati lelangan : tan kengin maoneng-onengan, masuwará gora, lan sapanunggalannya;
  - Ra. Amati lelungan : tan dados malancaran.
- (3). Pabratan inucap kamargiang saking semeng ngantos semeng benjangne raris kasuwarayang kulkul pinaka cihna pangembak.

- (4). Sang mamurug kecap ring ajeng kakaninin pamidanda manut pararem Banjar/Tempek sowang-sowang kamargiang olih patelik (Pacalang Desa).
- (5). Riwus rahina Nyepi (benjangne) maka cihna pangawit isaka warsa, patut warga desa madharma santhi.

(7)

**PANCHAMA SARGAH  
SUKERTA TATA PAWONGAN**

**Palet 1**

**Indik Pawiwahan**

**Pawos 52**

- (1). Pawiwahan inggih punika, patemoning Purusa lawan Pradana, malarapan panunggalan kayun suka lila kadulurin antuk upasaksi sakala niskala.
- (2). Pamargin Pawiwahan luwire :
  - Ha. Papadikan kamanggala antuk pakrunayan;
  - Na. Ngarorod, ngarangkat riyin wawu kakrunayang;
  - Ca. Nyeburin utawi senjana nyeburin (risampun nganutin upakara pamerasan).
- (3). Pidabdab sang pacang mawiwaha patut :
  - Ha. Sampun manggeh deha teruna (praside nganutin undang-undang).
  - Na. Sangkanin pada lila (tan kapaksa);
  - Ca. Manut kecap Sastra Agama (tan gamia gamana);
  - Ra. Kasudiwadani prade pangambile tiyos agama, utawi kapatiwangi.
- (4). Pamargin pawiwahan mangda taler nganutin Undang-Undang Perkawinan sakeng sang ngawawenang.

*Jang diwawahi*

**Pawos 53**

(1) Pawiwahan sane kapatutang ring Desa sakadi ring sor :

- Ha. Sampun kamargiang pabiyakala utawi Pasakapan kaanteb olih Pamangku Kahyangan Desa.
- Na. Wenten pasaksi Prajuru Sane makelingang utawi ngilikitayang pawiwahane;
- Ca. Sampun matengeran suaran kulkul;
- Ra. Pawiwahan inucap ring ajeng sampun kacatetang ring sang ngawawenang.

(2). Parabian sane tan manut makadi kecap ring ajeng sinanggeh tan patut.

**Pawos 54**

Tata caraning parabian patut sakadi ring sor :

Ha. Sapa sira ugi pacang ngawarangang pakulawargannya patut masadok ring Prajuru, salanturnya Prajuru maritatas manut pamargin parabiane;

Na. Pamargin papadikan manut dudonan :

- 1). Pakrunayan jantos ping tiga, saha sowang-sowang malarapan :
  - Kapratama antuk pajati pngrawos;
  - Kaping kalih antuk canag/sedah;
  - Kaping tiga antuk daksina pajati kabowos pamuput papadikan.

Ca. Prade ngarorod/marangkat patut :

- 1). Reraman lanange ngawentenang pamiluku/pangenduh antuk duta sakirangnya 2 (kalih) diri;
- 2). Pagenahan antene tan kengin ring pakubon lanang sadereng mabeyakala.

Ra. Sajeroning pakrunayan utawi pangelukuan patut :

- 1). Kamanggalain antuk geng rena pangampura arep ring reraman wadone;

- 2). Kaigumang babawosan nganinin indik idih pakidih utawi palegaan mantuk ring pasewakan sang ngidih saha mastikayang padewasan pakerab kambeyane riwekas;
- 3). Kacihnayang indik sang kamanggehang Purusa utawi prade sentana rajeg kajejerang kapatut ngidih anak lanang sane kabawos pawiwahan nyeburin tur risampun sulur pamerasan kategepin, kamanggehang sentana nyeburin;

Ka. Pakerab kambeyan mapiteges upacara tinas apadang (puput) mapakuren, duwaning manut sakadi ring sor :

- 1). Sajeroning kabawos ambe, kalaksanayang ring sakala niskala masrana jejauman miwah pawidi widana:
  - Ha. Jejauman pinaka ngambe/ngaduang kayun sowang-sowang pakulawargan wadone;
  - Na. Widi Widana pinaka pajati niskala wadone ring Pamerajan.
- 2). Sajeroning bawos kerab pamargi ring sakala ;
  - Ha. Antuk panyaksi krama Banjar duwaning kaparabiyang matengeran swaran kulkul;
  - Na. Pamekas pasaksi Prajuru /dulu-dulu sane ngilikitayang.

## Palet 2

### Indik Nyapian

#### Pawos 55

- (1). Pawiwahan prasida kawusang malarapan antuk palas parabian utawi kapademan.
- (2). Wusan mapakuren riantukan salah sinunggil seda mapiteges balu, makadi balu lanang/istri.

- (3). Palas marabian sangkaning mawiwit wicara.
- (4). Sang palas marabian patut atur supekta pailikitan riyin ring sang Rumawos wastu tinas apadang pamutus kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

#### Pawos 56

Tata Cara palas parabian sakadi ring sor :

- Ha. Nawur prabiya pasaksi sinalih tunggil sami matenge;
- Na. Pagunakanyan polih pahan pada;
- Ca. Pabekel tatadan sowang-sowang kakuasa niri-niri miwah warisan kakuasa olih purusa;
- Ra. Ngaweruhin miwah ngupajiwain pratisentana manut swadarmaning guru rupaka;
- Ka. Nawur pamidanda panebasan swaran kulkul manut pararem;
- Da. Ngelung jinah logika Prajuru/Dulu;
- Ta. Mapamit ring Pamrajan lanange.

#### Pawos 57

Prade riwekas sang palas kacihnan adung malih , patut :

- Ha. Ngalaksanayang pawiwahan malih;
- Na. Kadanda nikel saking palase.

#### Pawos 58

(1). Sang Balu kabinayang dados:

- Ha. Balu istri wit sentana rajeg, utawi balu istri saking tan Santana rajeg;
- Na. Balu lanang kapurusa (wit sentana) utawi balu nyeburin (boya sentana).

## (2). Swadharmaning balu inucap patut:

- Ha. Ngamanggehang patibrata, tan kengin ngamargiang paradara utawi darati krama;
- Na. Nguwasayang waris pagunakaya, tan dados ngadol, ngadeang, makidihang lan siyosan punika, sajawaning kabebasan olih pianak utawi kulawarga sane pinih tampek saking purusa prade okane kantun alit-alit;
- Ca. Kengin ngidih sentana prade wenten pidabdab sadurung sinalih tunggil seda saha kabebasan olih kulawarga saking purusa.
- Ra. Kawenangang mawiwaha malih prade wenten kabebasan manut angka/aksara ring ajeng.

**Pawos 59**

Balu kaucap tan pageh sakadi ring sor :

- Ha. Dratikrama utawi paradara;
- Na. Matilar saking pakubon tan pasadok jantos 6 (nem) sasih;
- Ca. Lempas ring swadharma sewos-sewosan, tan prasida ngehehin solah maprawerti arep ring pituduh sane patut saking kulawarga purusa.

(8)

**Palet 3****Indik sentana****Pawos 60**

- (1). Sentana wenten kalih pawos, sane kabawos pratisentana lan sentana paperasan.
- (2). Pratisentana inggih punika sentana sane metu saking pawiwahan kapatut.

- (3). Prade pawiwahan tan kapatut ngawetuang sentana, mangda tan kantung kawastanin babinjat utawi astra patut kamangala antuk panyangaskara.
- (4). Prade pawiwahan tan ngawetuang sentana, kengin ngidih sentana malarapan antuk upasaksi sekala niskala sane kawastanin sentana paperasan;
- (5). Sentana rajeg inggih punika pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin;
- (6). Sang sane dados kamanggehang sentana rajeg inucap wiwit angka (5) inggih punika:
  - Ha. Pratisentana wadon tunggal;
  - Na. Sampun kamanggehang dados pratisentana purusa.
  - Ca. Pawiwahannya patut kaceburin, sane nyeburin kautsahayang mangdene maagama Hindu, utawi jadma sane maagama siyosan sane sampun ngalaksanayang pamarisuda raga utawi upacara sudiwadani;
  - Ra. Sane ngamanggehang sentana rajeg patut masadok ring Prajuru Banjar, tur I Klian Banjar patut nyobyahang ring banjar saha ngaturang ring Prajuru Desa Pakraman.

### Pawos 61

- (1). Ngangkat sentana manut dudonan patut makacihna arta brana pamerasan sane kasaksiang sakala niskala.
- (2). *Yang harus di sesuaikan*  
Sapa Sira ugi kramane pacang ngidih sentana patut masadok ring Bendesa/Prajuru sanistane 3 (tigang) sasih sadereng pamerasan, Bendesa/Prajuru ngaturang pakarsa punika ring sang ngawawenang.
- (3). Bendesa kawakilin olih Klian-Klian Banjar nyobyahang ring sawawidangan Desa, sang sapa sira ugi rumasa tan lila mangda nyadokang masenger 2 (kalih) wuku (14

rahina) sabanen panamaya pamrasan ring Bendesa Pakraman.

- (4). Prajuru Desa digelis mawosin saha ngicen pamutus nepek ring catur dresta miwah pararem.
- (5). Prade sulur paperasan tan manut kadi kecap ring ajeng, Prajuru Desa wenang ngandeg sang pacang mameras saha ngicen pamutus, mangda kapuputan riyin sulur utawi wicaranya.

### Pawos 62

- (1). Paperasan sane kapatut ring desa risampun makacihna :
  - Ha. Ngalaksanayang widhiwidana paperasan;
  - Na. Kasaksinin olih Prajuru Desa sane makelingang utawi ngilikitayang.
  - Ca. Kasobyahang ring wawidangan Banjar/Desane.
- (2). Sane kapatut peras angge sentana makadi ring sor:
  - Ha. Jadma sane maagama Hindu;
  - Na. Papernah nedunang saking sang meras;
  - Ca. Kulawarga saking Purusa prade tan wenten kengin saking wadon, yening taler tan wenten wawu kengin sakama-kama saking kayun.
  - Ra. Kautamayang saking waris pancer kapurusa;
  - Ka. Sinalih tunggil mawiwit saking kulawarga tunggal sanggah utawi mrajan, paibon lan dadya utawi ngambilin anak tiyos sakemawon mangdene maagama Hindu;
- (3). Kengin ngangkat sentana langkungan ring adiri lanang wiadin wadon. Prade ngangkat sentana lanang wadon, nenten dados kapawiwahang.

**Palet 4**  
**Indik Warisan**

**Pawos 63**

- (1). Warisan inggih punika tetamian arta brana saha ayah-ayahannya ngupadi kasukertan sakala lan niskala sakeng kaluhurannya arep ring turunannya.
- (2). Kang sinanggeh warisan luwire :
  - Ha. Duwe tengah makadi tegal, ayahan Desa, Kahyangan, pusaka, siwa pakraman lan sapanunggalannya;
  - Na. Pamerajan;
  - Ca. Pangunakaya, tatadtadan/jiwa dana, hutang piutang;
- (3). Wawu kengin kabawos warisan prade wenten :
  - Ha. Sang mapiturun utawi pawaris;
  - Na. Katurunan utawi ahli waris;
  - Ca. Artha brana miwah tategenan makacihna warisan.

**Pawos 64**

- (1). Ahli Waris luwire :
  - Ha. Pratisentana Purusa;
  - Na. Pratisentana pradana utawi wadon (sentana rajeg);
  - Ca. Sentana paperasan lanang utawi wadon.
- (2). Prade tan wenten sakadi ring ajeng, kang sinaggeh ahli waris :
  - Ha. Turunan purusa pernah ngunggahang rerama lanang, pekak lan selantur ipun minakadi rerama misan utawi mindon;
  - Na. Turunan purusa pernah kesamping makadi kaponakan misan mindon.

### Pawos 65

Swadharmaning ahli waris patut :

Ha. Narima saha nguwasayang tetamiam pahan saking kaluhurannya, makadi ngarempon Sanggah utawi Marajan, Pura saha pangupakarannya, miwah nyaladihin ayah-ayahan pawaris.

Na. Ngabenan pawaris saha ngalanturang upacara-upakara pitra;

Ca. Nawurin hutang-hutang pawaris sane manut pangeloika.

### Pawos 66

Pangepahang waris manut makadi ring sor :

Ha. Risampun kalaksanayang Pitra Yadnya lan hutang-hutang pawaris buntas katawur;

Na. Para ahli waris polih pahan pada sangkaning pangunakayan sajabaning karang/tegal, ayahan Desa, kaamong olih waris kang sinanggeh krama ngarep;

Ca. Sinalih tunggil ahli waris kengin tan polih pahan prade :

- 1). Nilar kawitan lan sesananing agama;
- 2). Alpaka guru rupaka;
- 3). Sentana rajeg kesah mawiwaha utawi pratisentana nyeburin, sowang-sowang kabawos ninggal kadaton.

Ra. Boya ahli waris kengin muponin hasil manut dudonan luwire :

- 1). Sentana luh selami dereng kesah mawiwaha utawi tan alpaka Guru miwah prade madrebe pianak tan kaangkenin olih wong tua rare inucap, pianak kengin ngawaris wantah pikolih pagunakaya sentana luh inucap kemawon;
- 2). Balu luh wiadin muani nyeburin (sowang-sowang boya sentana).

- 3). Mulih daha utawi teruna riantukan ring pawiwahane pecak sampun kabwos ninggal kadaton.

**Pawos 67**

- (1). Prade sajeroning pakulawarga wenten ahli waris langkungan ring adiri patut :
  - Ha. Kawentenan paigum indik padum waris inucap;
  - Na. Yening tan prasida igum patut nunas tatimbangan ring Prajuru (Kerta desa);
  - Ca. Prade taler tan wenten cumpu ring panepas kerta desa kengin katunasang ring sang rumawos.
  
- (2). Prade wenten karang ayahan Desa kaputungan, patut Prajuru/Dulu Desa nibakang ring:
  - Ha. Sang sinanggeh ahli waris manut pawos 64;
  - Na. Sang kengin anggen sentana manut pawos 62 angka (2) miwah angka (3);
  - Ca. Prade taler tan wenten cumpu ring panepas Kerta Desa, kengin katunasang ring Sang rumawos.
  
- (3). Prade karang desa jantos kaepah utawi kasepih patut sowang-sowang tedum makrama marep.

(9)

**SAT SARGAH**  
**WICARA LAN PAMIDANDA**

**Palet 1**  
**Indik Wicara**

**Pawos 68**

- (1). Sane wenang mawosin makadi mutusang wicara ring Desa, inggih punika Prajuru/Dulu Desa sinanggeh Kerta Desa.
- (2). Tata dudonin mawosin saha muputang wicara warga Desa kadi ring sor :
  - Ha. Kaping ajeng kabawosin olih Klian Banjar.
  - Na. Tan cumpu ring panepas Klian Banjar, karerehang pamutus ring paruman Banjar;
  - Ca. Prade tan cumpu ring pamutus Bendesa lan Kerta Desa katunasang ring paruman Desa Pakraman.
- (3). Prade sang mawicara tan wenten cumpu ring pamutus paruman Desa lan Kerta Desa kengin nunasang wicara inucap ring sang rumawos.

**Pawos 69**

- (1). Sahanan wicara mawiwit kacorahan sakaluwire sane kasinanggeh nungkasin Awig Awig, pararem miwah paswaran Desa utawi Banjar, patut Prajuru digelis mawosin tan nyantos pasadok.
- (2). Sajabaning wicara makadi sane munggah ring ajeng patut nyantos sang nunas bawos.
- (3). Panepase patut nyantenang iwang patut malarapan antuk Tri Pramana inggih punika

saksi, ilikita lan bukti, miwah tan maren nepek ring catur Dresta.

**Palet 2**  
**Indik Pamidanda**

**Pawos 70**

- (1). Desa utawi Banjar wenang niwakang pamidanda ring warga Desa/Banjar sane sisip manut pararem.
- (2). Paniwak inucap kalaksanayang olih Bandesa utawi Klian Banjar.
- (3). Bacakan pamidanda luwire :  
Ha. Ayahan panukun kasisipan;  
Na. Danda artha;  
Ca. Kanorayang;  
Ra. Panyangaskara.
- (4). Pamidanda sane katiwakang patut masor singgih manut ring kasisipannyane.
- (5). Jinah utawi raja brana pamidandane ngaranjing dados druwean Desa utawi Banjar.

**Pawos 71**

- (1). Krama sane langkungan ring tigang paruman ngalantur tan nawur paturunan utawi dadendan wenang karampag.
- (2). Rarampagan ngangge tata cara makadi ring sor :

- Ha. Kalaksanayang olih Prajuru/Klian Banjar, Patelik (Pacalang Desa) kasarengin olih Krama Desa sanistannya 3 (tigang) diri pinaka saksi.
- Na. Sang ngarampang sangkaning darsana ngambil barang utawi nyawenin tanem tuwuh, akehnya manut panghargaan utang sang karampag, sang karampag sangkaning lila nyukserahang barangnya sane dados wala.
- Ca. Prajuru miteketang mangda barang-barang sane karampag digelis katebus, masenger awuku ( 7 rahina), ring kutus rahinane pacang kaadol.
- Ra. Tan nganinin saluwiring barang sane patut inggilang manut agama miwah tan mademang pangupajiwa sang karampag.

#### Pawos 72

- (1). Prade sang pacang karampag ngawara (ngalangin) palaksana inucap sampun tan nganutin Awig Awig Desa Wenang karang Desa sane kagenahin kadaut olih desane.
- (2). Samaliha yan purun taler ngalangin palaksana kadi ring ajeng, tan wenten pamargi sawawaning kasepekang olih Desa Pakraman/Banjar.
- (3). Pamidanda ring ajeng sami buntas risampun sang karampag :
  - Ha. Nunas geng pangampura ring Krama Desa riantukang nguwak pasubaya (paraem) pecak;
  - Na. Nawur pangarga panguak pasubaya duk pacang karampag kadulurin pamrayascita payapsap kaiwangan ring Desa.

**SAPTAMA SARGAH**  
**NGUWAH – NGUWUHIN AWIG AWIG**

**Pawos 73**

- (1). Nguwah-nguwuhin Awig Awig Desa Pakraman puniki kalaksanayang ring paruman Desa.
- (2). Awig Awig kamargiang ngawit kaingkupin utawi kararemin.

**Pawos 74**

- (1). Sakaluwiring sane wenten saderengnya patut kaanutang ring sadagig Awig Awig.
- (2). Sakaluwiring sane durung kabawos sajeroning Awig Awig puniki, patut kalaksanayang manut tata cara sakadi sane sampun mamargi kadulurin antuk pararem-pararem.

**ASTAMA SARGAH**  
**SAMAPTA**

**Pawos 75**

- (1). Awig Awig puniki kararemin olih Krama Desa Pakraman Tengkulak Tengah duk Rahina SOMA Wara PAING Pananggal/pang APISAN (1) Sasih KEDASA (10) Caka 1926, Pananggal Masehi LIMA (5) APRIL Warsa 2004 ring wantilan Desa Pakraman Tengkulak Tengah.

- (2). Awig Awig puniki kalingga tanganin olih Bendesa Pakraman lan Prajuru Pakraman, Kasarengin Klan Banjar, saha kasaksinin olih Prajuru Dinas pinaka saksi.
- (3). Luwir sang ngalingga tanganin:

Ha. Kaprathama Prajuru Desa Pakraman

1. Bendesa Pakraman,

Panyarikan,

(I DEWA NYOMAN JIWA)



(Ir. I GUSTI PUTU SWANDI)

3. Klian Banjar Adat,

(I WAYAN SUKRA)

Na. Kapirakali Prajuru Dinas Pinaka Saksi :

1. Klian Banjar Dinas,

(I WAYAN SUKRA)

2. Prabekel Kemenuh

(I WAYAN ASIN SUDIRA, SH.)

2. Plh. Camat Sukawati,

(Drs. I MADE WATHA)

Mengetahui dan telah dicatatkan

Pada Tanggal : 30 Agustus 2004  
Nomor : 5 Tahun 2004




BUPATI GIANYAR

G. AGUNG BHARATA

Anggota Saba :


1. I Wayan Salin
2. Ngakan Nyoman Rai
3. I Gusti Made Kari
4. I Nyoman Wijaya
5. Dewa Nyoman Patra
6. I Nyoman Jana

Petajuh Desa,



(I Made Suraja)

Anggaraksa Desa,



(I Nyoman Suweta)

Kepala Dusun/Klian Dines,



(I wayan Budiarta)